

Na osnovu člana 12. tačke 3., člana 13. tačke 4. i člana 14. tačke 4. Zakona o veterinarstvu u Bosni i Hercegovini ("Službeni glasnik BiH", broj 34/02) i člana 17. Zakona o Vijeću ministara Bosne i Hercegovine ("Službeni glasnik BiH", broj 38/02), Vijeće ministara Bosne i Hercegovine na prijedlog Ureda za veterinarstvo Bosne i Hercegovine, na 26 sjednici održanoj 30. septembra 2003.godine, donijelo je

ODLUKU O ZARAZNIM BOLESTIMA ŽIVOTINJA

OPĆE ODREDBE

Član 1. Predmet odluke

Ovom odlukom određuje se razvrstavanje zaraznih bolesti životinja radi načina obavještanja, izvještanja i prijavljivanja njihove pojave, laboratorijske testove za njihovo utvrđivanje, metode uzimanja uzoraka i uvjete slanja materijala na dijagnostičke pretrage.

Član 2. Značenje termina

Termini upotrijebljeni u ovoj odluci imaju slijedeća značenja:

imanje je svaki objekat, u kojem se uzgajaju životinje;

dio države označava područje djelovanja najmanje jedne veterinarske organizacije odgovorne za provođenje mjera propisanih na osnovu člana 10. tačke 7. Zakona o veterinarstvu u Bosni i Hercegovini;

slučaj bolesti je svaka službena potvrda bilo koje bolesti, navedene u aneksu 1 ove odluke, na živoj ili mrtvoj životinji ili njenom dijelu;

izbijanje (žarište) bolesti je pojava jednog ili više službeno potvrđenih slučajeva bolesti na imanju ili području, koje se nalazi na teritoriji Bosne i Hercegovine;

primarno žarište bolesti je prvo izbijanje bolesti na nekom području, ili izbijanje bolesti koje nije epizootiološko vezano na prethodne pojave bolesti na istom području;

plan hitnih mjera je Plan koji sadrži postupke i procedure koje se preduzimaju prilikom pojave žarišta bolesti s ciljem njenog suzbijanja, kontrole i iskorjenjivanja;

odgovorno veterinarsko tijelo (u daljem tekstu: OVT) - Ministarstvo poljoprivrede, vodoprivrede i šumarstva Federacije BiH, Ministarstvo poljoprivrede, šumarstva i vodoprivrede Republike Srpske i Odjeljenje za poljoprivredu, šumarstvo i vodoprivredu Brčko Distrikta Bosne i Hercegovine, sa svojim organima nadležnim za provođenje propisa iz područja veterinarstva;

službeni veterinar je veterinarski inspektor, djelatnik OVT;

krizni štab je Državno središte za nadzor bolesti, tim stručnih osoba, kojeg čine predstavnici Ureda za veterinarstvo Bosne i Hercegovine, OVT, vojske, policije, civilne zaštite i drugih službi, koji rukovodi svim aktivnostima vezanim za pripremu i provođenje mjera u slučaju pojave bolesti s liste A aneksa 1 ove odluke.

I - RAZVRSTAVANJE ZARAZNIH BOLESTI ŽIVOTINJA

Član 3. Liste bolesti

Zarazne bolesti životinja, radi kojih se izvode opće i posebne preventivne te druge propisane mjere, se obzirom na vrstu infekcije, mjera za njihovo suzbijanje i iskorjenjivanje te dinamiku i način

izvještavanja o pojavi razvrstavaju u liste A, B, C i zoonoze, kako je određeno u aneksu 1, koji je sastavni dio ove odluke.

Član 4.

Obavezno prijavljive zarazne bolesti

Obavezno prijavljive zarazne bolesti životinja su bolesti, navedene u listi A aneksa 1, i bolesti iz tač. 1., 2., 5., 6., 7., 8., 11., 14., 16., 19., 20., 21., 25., 26., 27., 28., 36., 39., 41., 42., 46., 49., 52., 55., 56., 57., 58., 66., 71., 72., 73., 74., 76., 77., 78., 79., 80., 81. i 82. liste B aneksa 1 ove odluke.

Pri sumnji na bilo koju bolest iz prethodnog stava potrebno je postupiti tako, da se zarazna bolest iskorijeni odnosno da se sumnja na zaraznu bolest isključi.

Član 5.

Plan hitnih mjera

Zarazne bolesti životinja, za koje je potrebno propisati plan hitnih mjera po kojem se postupi u slučaju njihove pojave, su bolesti iz tač. 1. do 14. liste A aneksa 1 i bolest iz tačke 26. liste B aneksa 1 ove odluke.

Za ostale bolesti plan hitnih mjera iz prethodnog stava se propisuje zavisno o epizootiološkoj situaciji. Plan hitnih mjera treba sadržavati najmanje informacije, navedene u aneksu 2, koji je sastavni dio ove odluke.

II - OBAVJEŠTAVANJE, IZVJEŠTAVANJE I PRIJAVLJIVANJE ZARAZNIH BOLESTI ŽIVOTINJA

Član 6.

Obavješćavanje i izvještavanje o zaraznim bolestima životinja u državi

Ako se pojavi zarazna bolest ili se pojave znaci, na osnovu kojih se sumnja, da je životinja bolesna ili je uginula od zarazne bolesti, vlasnik ili držalac životinje je obavezan o tome obavijestiti najbližu veterinarsku organizaciju.

Član 7.

Postupak u slučaju sumnje na bolest s Liste A

Ako se pojavi sumnja na bolest s liste A aneksa 1 ove odluke, veterinarska organizacija koja je postavila sumnju je obavezna, o tome telefonom i faksom ili elektronskom poštom na obrascu, koji sadrži propisane podatke, a najkasnije u roku 24 sata, obavijestiti nadležnog službenog veterinara, te do njegovog dolaska provoditi sve mjere za sprečavanje širenja zaraznih bolesti propisane Zakonom o veterinarstvu u Bosni i Hercegovini.

OVT je obavezan hitno, najkasnije 24 sata od postavljanja sumnje, prijaviti svako postojanje sumnje o pojavi bolesti s liste A aneksa 1 ove odluke Uredu za veterinarstvo Bosne i Hercegovine, (u daljem tekstu: Ured), koji će u najkraćem roku sazvati članove kriznog štaba.

U svrhu dojave informacija o sumnji ili pojavi zaraznih bolesti s liste A aneksa 1 ove odluke Ured i OVT dužni su uspostaviti dežurni telefonski broj.

O rezultatima obavljene dijagnostičke pretrage ovlaštena laboratorija obavještava Ured i OVT, putem telefona (na broj dežurnog telefona) i telefaksa ili elektronskom poštom.

Podaci, koje mora sadržavati obrazac iz prvog stava ovog člana, su određeni u aneksu 5, koji je sastavni dio ove odluke.

Prijavu sumnje odnosno potvrde bolesti s liste A aneksa 1 ove odluke i redovne sedmične izvještaje do prestanka primjene mjera u području pojave žarišta bolesti, OVT dostavlja Uredu na obrascu iz Aneksa 6 koji je sastavni dio ove odluke.

Član 8.

Postupak u slučaju sumnje na određene bolesti s Liste B

Ako se pojavi sumnja na bolesti iz tač. 1., 2., 5., 6., 7., 8., 11., 14., 16., 19., 20., 21., 25., 26., 27., 28., 36., 39., 41., 42., 46., 49., 52., 55., 56., 57., 58., 66., 71., 72., 73., 74., 76., 77., 78., 79., 80., 81. i 82. liste B aneksa 1 ove odluke, veterinarska organizacija je dužna o sumnji na bolest obavijestiti nadležnog službenog veterinara.

O rezultatu dijagnostičke pretrage ovlaštena laboratorija je dužna putem telefona i telefaksa ili elektronske pošte na propisanom obrascu odnosno putem kompjutera upotrebom kompjuterskog programa za zarazne bolesti (u daljem tekstu: putem kompjutera) obavijestiti nadležnog službenog veterinara koji o tome izvještava OVT.

U slučaju pojave primarnog žarišta jedne od zaraznih bolesti iz prvog stava ovog člana, ovlaštena laboratorija o rezultatima dijagnostičke pretrage također obavještava i Ured i OVT, putem telefona (na broj dežurnog telefona) i telefaksa ili elektronskom poštom.

Član 9.

Postupak u slučaju pojave svih ostalih bolesti

U slučaju pojave bolesti sa liste B aneksa 1 ove odluke, koja nije navedena u prethodnom članu, ili za bolesti sa liste C aneksa 1 ove odluke, veterinarska organizacija je dužna obavijestiti nadležnog službenog veterinara, kad se bolest potvrdi propisanom dijagnostičkom pretragom. Veterinarska organizacija jednom mjesečno do 5. u mjesecu za protekli mjesec, izvještava nadležnog službenog veterinara o pojavi tih bolesti na propisanom obrascu ili putem kompjutera.

Redovne mjesečne izvještaje o pojavi bolesti s liste A, B i C aneksa 1 ove odluke OVT dostavlja Uredu najkasnije do 10. u mjesecu za prethodni mjesec na obrascu iz Aneksa 7 koji je sastavni dio ove odluke.

Član 10.

Postupak u slučaju zoonoza

Ako se pojavi sumnja na bolesti sa liste zoonoza aneksa 1 ove odluke, provodi se obavještavanje u skladu sa čl. 7., 8., ili 9. ove odluke, zavisno od toga, na kojoj listi (A, B ili C) se bolest nalazi.

O sumnji ili potvrdi zoonoze službeni veterinar je dužan obavijestiti nadležnu zdravstvenu službu.

Član 11.

Rezultati dijagnostičkih pretraga

Rezultate dijagnostičkih pretraga ovlaštena laboratorija je dužna poslati nadležnom službenom veterinaru i pošiljaocu na propisanom obrascu ili putem kompjutera.

Jednom mjesečno, najkasnije do 15. u mjesecu, ovlaštena laboratorija je dužna poslati potpuni izvještaj o rezultatima svih provedenih dijagnostičkih pretraga u prethodnom mjesecu Uredu i OVT-u, na propisanom obrascu ili putem kompjutera.

Član 12.

Obavezno međunarodno prijavljive bolesti

Obavezno međunarodno prijavljive bolesti su sve bolesti s liste A aneksa 1 ove odluke i bolesti iz tač. 26., 57. i 82. liste B aneksa 1 ove odluke.

Obavezno je prijavljivanje:

- primarnog žarišta neke bolesti, navedene u prethodnom stavu;
- prestanka primjene mjera, koje su bile uvedene u vezi pojave žarišta bolesti, navedene u prethodnom stavu.

Ured je dužan bolest prijaviti odmah, a najkasnije u roku 24 sata Međunarodnom uredu za zarazne bolesti u Parizu (OIE), Evropskoj komisiji i nadležnim veterinarskim organima svih susjednih država. Prijava treba sadržavati informacije, nabrojane u aneksu 3, koji je sastavni dio ove odluke, i obavezno se šalje putem telefaksa ili elektronske pošte.

Bez obzira na drugi stav ovog člana, Ured je dužan svaki prvi radni dan u sedmici prijavljivati OIE-u, Evropskoj komisiji i nadležnim veterinarskim organima svih susjednih država pojave sekundarnih žarišta bolesti iz prvog stava ovog člana, koja su se pojavila u državi.

Prijava bolesti iz prethodnog stava treba sadržavati sve informacije iz aneksa 3 ove odluke.

III - ODREĐIVANJE LABORATORIJSKIH TESTOVA I METODA, UZIMANJE UZORAKA I SLANJE MATERIJALA NA DIJAGNOSTIČKE PRETRAGE

Član 13.

Testovi, uzorci i način slanja uzoraka

Laboratorijski testovi i metode za pretragu i utvrđivanje pojedinih zaraznih bolesti iz ove odluke, način uzimanja uzoraka i slanja materijala na dijagnostičku pretragu, su određeni u tabeli aneksa 4, koji je sastavni dio ove odluke.

Pretrage na zarazne bolesti životinja, za koje u državi nema na raspolaganju odgovarajućih prostora, ili metoda i opreme, obavljaju se u referentnim laboratorijama OIE-a ili drugim referentnim laboratorijama, s kojima Ured ima sklopljen ugovor o saradnji.

Koordiniranje uzimanja uzoraka spomenutih u prethodnom stavu i njihovog slanja u referentne laboratorije provodi Ured.

IV - PRIJELAZNE I ZAVRŠNE ODREDBE

Član 14.

Obrasci za prijavu bolesti

Do izrade kompjuterskog programa koji će se koristiti u svrhu izvještavanja o pojavi zaraznih bolesti u cijeloj državi, a koje se spominju u čl. 8., 9., 10. i 11. ove odluke, u slučaju da nisu propisani ovom odlukom, upotrebljavat će se obrasci, koji su se upotrebljavali za tu namjenu do stupanja na snagu ove odluke.

Član 15.

Stupanje na snagu

Ova odluka stupa na snagu osmog dana od dana objavljivanja u "Službenom glasniku BiH", a objavit će se i u službenim glasilima entiteta i Brčko Distrikta Bosne i Hercegovine.

VM broj 244/03
30. septembra 2003. godine
Sarajevo
Predsjedavajući
Vijeća ministara BiH
Adnan Terzić, s. r.

Aneks 1
RAZVRSTAVANJE ZARAZNIH BOLESTI ŽIVOTINJA

LISTA A

1. A010 slinavka i šap (*Aphtae epizooticae*)
2. A020 vezikularni stomatitis (*Stomatitis vesicularis*)
3. A030 vezikularna bolest svinja (*Morbus vesicularis suum*)
4. A040 goveđa kuga (*Pestis bovina (Rinderpest)*)
5. A050 kuga malih preživara (*Pestis pecorum (Pestis des petits ruminants)*)
6. A060 zarazna pleuropneumonija goveda (*Pleuropneumonia contagiosa bovum*)
7. A070 bolest kvrgave kože (*Dermatitis nodularis*)
8. A080 groznica doline Rift (*Hepatitis infectiosa enzootica bovum et ovium*)
9. A090 bolest plavog jezika (*Febris catarrhalis uvium (Blue tongue)*)
10. A100 boginje ovaca i koza (*Variola ovina et caprina*)
11. A110 konjska kuga (*Pestis equorum*)
12. A120 afrička kuga svinja (*Pestis suum africana*)
13. A130 klasična kuga svinja (*Pestis suum*)
14. A150 kokošija kuga (*Pestis avium*) - *Aviarna Influenca*
15. A160 atipična kokošija kuga (*Morbus Newcastle (New castle disease)*)

LISTA B

Bolesti, koje pogađaju više vrsta životinja

1. B051 bedrenica - crni prišt (*antraks*)
2. B052 bolest Aujeszzkog
3. B053 ehinokokoza (*hidatioza*)
4. B055 vodenasto srce
5. B056 leptospiroza
6. B057 Q-groznica
7. B058 bjesnoća
8. B059 paratuberkuloza
9. B060 new world screwworm - miza (*Cochliomyia hominivorax*)
10. B061 old world screwworm - miza (*Chrysomya bezziana*)
11. B255 trihinelozna

Bolesti goveda

12. B101 anaplazmoza
13. B102 babezioza
14. B103 bruceloza
15. B104 goveđa genitalna kampilobakterioza
16. B105 goveđa tuberkuloza (*Mycobacterium bovis*)
17. B106 ikričavost - cisticerkoza
18. B107 dermatofiloza
19. B108 enzootska goveđa leukoza
20. B109 hemoragična septikemija goveda
21. B110 infektivni bovini rinotraheitis / Infektivni pustularni vulvovaginitis - IBR/IPV
22. B111 tajlerioza
23. B112 trihomonijaza
24. B113 tripanosomijaza
25. B114 maligna kataralna groznica
26. B115 goveđa spongiformna encefalopatija - BSE

Bolesti ovaca i koza

27. B151 ovčiji epididimitis (*Brucella ovis*)
28. B152 bruceloza ovaca i koza - melitokokoza (*bez B. ovis*)

- 29. B153 virusni artritis/encefalitis koza
- 30. B154 zarazna agalaksija
- 31. B155 zarazna pleuropneumonija koza
- 32. B156 enzooski pobačaj ovaca (ovčija klamidioza)
- 33. B157 plućna adenomatoza ovaca
- 34. B158 Najrobi bolest ovaca
- 35. B159 salmonelozni pobačaj ovaca (*Salmonella abortus ovis*)
- 36. B160 skrepi (*scrapie*)
- 37. B161 maedi-visna

Bolesti kopitara

- 38. B201 zarazni metritis kobilica
- 39. B202 spolna kuga konja - durina
- 40. B203 afrička sakagija
- 41. B204 enzooski encefalomijelitis (istočni i zapadni)
- 42. B205 infektivna anemija kopitara IAK
- 43. B206 influenza konja
- 44. B207 piroplazmoza kopitara
- 45. B208 virusni rinopneumonitis konja - virusni pobačaj kobilica
- 46. B209 sakagija - maleus
- 47. B210 boginje konja
- 48. B211 zarazni arteritis kopitara
- 49. B212 japanski encefalomijelitis
- 50. B213 šuga kopitara
- 51. B215 sura - tripanosomijaza (*Trypanosoma evansi*)
- 52. B216 venezuelanski encefalomijelitis kopitara

Bolesti svinja

- 53. B251 atrofični rinitis
- 54. B252 ikričavost svinja - cisticerkoza(*Cysticercus cellulosae*)
- 55. B253 bruceloza svinja
- 56. B254 virusna upala želuca i crijeva svinja - TGE
- 57. B256 zarazna uzetost svinja -enterovirusni encefalomijelitis
- 58. B257 reprodukcijski i respiratorni sindrom svinja- RRSS

Bolesti peradi

- 59. B301 infektivni bronhitis peradi
- 60. B302 infektivni laringotraheitis
- 61. B303 tuberkuloza peradi
- 62. B304 virusni hepatitis pataka
- 63. B305 virusni enteritis pataka - pačja kuga
- 64. B306 pastereleloza peradi - kolera
- 65. B307 boginje peradi
- 66. B308 kokošiji tifus (*Salmonella*)
- 67. B309 zarazna bolest burze - Gumboro bolest
- 68. B310 Marekova bolest
- 69. B311 mikoplazmoza (*Mycoplasma gallisepticum*)
- 70. B312 aviarna klamidioza - psitakoza
- 71. B313 salmoneloza peradi - puloroza

Bolesti kunića i zečeva

- 72. B351 miksomatoza
- 73. B352 tularemija
- 74. B353 virusna hemoragična bolest kunića i zečeva

Bolesti pčela

- 75. B451 akarioza pčela

- 76. B452 američka gnjiloča pčelinjeg legla - pčelinja kuga
- 77. B453 europska gnjiloča pčelinjeg legla
- 78. B454 nozemoza
- 79. B455 varooza

Bolesti riba

- 80. B 401 virusna hemoragična septikemija pastrmki
- 81. B 404 proljetna viremija šarana
- 82. B 405 infektivna hematopoetska nekroza
- 83. B 413 epizootska hematopoetska nekroza
- 84. B 415 virusna bolest uzrokovana *Onchorhynchus masou*

Bolesti školjaka

- 85. B431 bonamioza
- 86. B432 haplosporidioza
- 87. B433 perkinsoza
- 88. B434 marteilioza
- 89. B435 iridoviroza
- 90. B436 mikrocitoza

Bolesti rakova

- 91. B445 Taura sindrom
- 92. B446 bolest bijele pjegice (*White spot disease*)
- 93. B447 bolest žute glave (*Yellowhead disease*)

LISTA C

Bolesti sa liste C su sve ostale bolesti, koje nisu razvrstane u druge skupine.

ZOONOZE

U skladu s OIE / FAO / WHO u zoonoze spadaju:

- bruceloza - *Brucellosis* (osim *B. ovis*)
- cisticerkoza - *Cysticercosis*
- ehinokokoza - *Echinococosis*
- leptospiroza - *Leptospirosis*
- listerioza - *Listeriosis*
- mikrosporija - *Microsporiosis*
- groznica doline Rift - *Hepatitis infectiosa enzootica bovim et ovium*
- Q groznica - *Q febris*
- bolest kamenog legla - *Aspergillosis apium*
- psitakoza - *Psittacosis*
- vrbanac - *Erysipelas*
- salmoneloza - *Salmonellosis*
- sakagija - *Malleus*
- bjesnoća - *Rabies*
- toksoplazmoza - *Toxoplasmosis*
- trihineloz - *Trichinellosis*
- trihofitija - *Trichophytia bovis*
- tuberkuloza - *Tuberculosis*
- tularemija - *Tularemia*
- crni prišt (bedrenica) - *Anthrax*

Aneks 2
ELEMENTI KOJE TREBA SADRŽAVATI PLAN HITNIH MJERA U
SLUČAJU POJAVE BOLESTI

1. Način uspostavljanja Kriznog štaba za nadzor bolesti, koji vodi i koordinira preduzimanje svih mjera za nadzor bolesti na nivou Bosne i Hercegovine;
2. popis lokalnih kriznih centara za nadzor bolesti prikladno opremljenih za koordinaciju provođenja mjera za nadzor bolesti na lokalnom nivou;
3. detaljan popis osoblja, koje je uključeno u provođenje mjera za nadzor bolesti, njihova edukacija, stručno znanje i odgovornosti;
4. najbrži način i sredstva putem kojih će svaki lokalni centar kontaktirati osobe ili organizacije direktno ili indirektno povezane sa izbijanjem bolesti;
5. raspoloživost opreme i materijala neophodnih za potpuno i pravilno provođenje hitnih mjera za nadzor bolesti;
6. detaljna uputstva o mjerama i postupcima, koji se moraju preduzimati u slučaju sumnje i potvrde bolesti, uključujući i način uništavanja lešina;
7. organizacija programa edukacije radi osiguranja stalnog stručnog usavršavanja za izvođenje postupaka na terenu i u upravi - koji se moraju provoditi redovno;
8. za dijagnostičke laboratorije (gdje to ima smisla) - prostori i oprema za post-mortem pretrage, mogućnosti provedbe seroloških, histoloških, i drugih potrebnih pretraga, uvođenje brzih dijagnostičkih postupaka, osiguravanje brze dostave uzoraka treba biti razrađeno za ovu priliku;
9. informacije vezane za količine vakcina koje su potrebne za slučaj provođenja hitnog preventivnog vakcinisanja;
10. plan provođenja mjera.

Aneks 3
INFORMACIJE, KOJE MORA SADRŽAVATI PRIJAVA OBAVEZNO MEĐUNARODNO
PRIJAVLJIVE BOLESTI

1. Datum prijave;
2. sat prijave;
3. naziv regije, opštine, države;
4. naziv bolesti;
5. uzročnik;
6. redni broj žarišta;
7. tip žarišta (primarno, sekundarno);
8. referentna broj žarišta, koji je vezan za to žarište;
9. zemljopisni položaj zaraženog posjeda;
10. druga područja, koja su pod ograničenjima;
11. datum potvrde bolesti;
12. datum postavljanja sumnje na bolesti;
13. datum prve infekcije;
14. izvor bolesti;
15. primijenjene mjere;
16. broj za bolest primljivih životinja na posjedu: a) goveda, b) svinja, c) ovaca, d) koza, e) peradi, f) kopitara, g) riba, h) divljih životinja;
17. broj životinja s kliničkim znacima bolesti na imanju: a) goveda, b) svinja, c) ovaca, d) koza, e) peradi, f) kopitara, g) riba, h) divljih životinja;
18. broj uginulih životinja na imanju: a) goveda, b) svinja, c) ovaca, d) koza, e) peradi, f) kopitara, g) riba, h) divljih životinja;

19. broj zaklanih ili uginulih životinja: a) goveda, b) svinja, c) ovaca, d) koza, e) peradi, f) kopitara, g) riba, h) divljih životinja;
20. broj neškodljivo uništenih životinja ili leševa: a) goveda, b) svinja, c) ovaca, d) koza, e) peradi, f) kopitara, g) riba, h) divljih životinja.
- Dodatne informacije u vezi pojave žarišta klasične kuge svinja:
1. udaljenost do najbliže farme svinja;
 2. broj i kategorije svinja (za uzgoj, tovljenici, prasadi*) na zaraženom posjedu;
 3. broj i kategorije klinički oboljelih svinja (za uzgoj, tovljenici, prasad*) na zaraženom posjedu;
 4. dijagnostička metoda koja je korištena;
 5. ako nije na posjedu, gdje je bolest utvrđena (na klaonici, u transportu...);
 6. potvrda primarnih žarišta** kod divljih svinja.

Aneks 5

V - Telefaks izvještaj o sumnji na zaraznu bolest sa Liste A

Podaci, koje mora sadržavati telefaks izvještaj o sumnji na posebno opasnu zaraznu bolest s liste A su:

1. Oznaka HITNO!
2. Predmet izvještaja: (bolest) - SUMNJA
3. Pošiljalac:
4. Datum potvrde sumnje:
5. Sumnju je potrdio:
6. Na osnovu čega je sumnja potvrđena:
7. Lokacija potvrde sumnje:
8. Naziv imanja - izvor:
9. Podaci o vakcinisanju:
10. Broj životinja, primljivih za bolest na imanju (vrsta, broj):
11. Broj sumnjivih životinja na imanju:
12. Druge životinje na gospodarstvu:
13. Uzeti uzorci:
14. Naznake, komentari, zapažanja:
15. Potpis i pečat osobe koja izvještava: